

Avannaata Kommuniáni ukiuunerani Uummannaq eqqaanni assartuutit motorinik ingerlatillit nunaannarmi atorneqarneri pillugit ileqqoreqqusaq

Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersumi § 6, aamma § 7 imm. 1, § 9, imm. 1 aamma § 12 naapertorlugit aalajangersarneqarpoq.

Kapitali 1

Atuuffissai il.il.

§ 1. Avannaata Kommuniáni Uummannaq eqqaanni assartuutit motorinik ingerlatillit nunaannarmi atorneqarneri pillugit ileqqoreqqusaq una atorlugu aqutissat aamma ingerlaarfissat killeqarfiisa toqqarneqarnerinut malittarisassat aalajangersarneqarput.

Stk. 2. Uummannap eqqaaniipput Uummannaq nunaqarfiillu Ikerasak, Saattut, Ukkusissat, Illorsuit Nuugaatsiarlu. Nunaannarmi killeqarfia ilanngussa 1-imiiippoq.

Imm. 3. Ileqqoreqqusami matumani nunaannarmi nunaminertat pineqartut tassaapput kommunimut pilersaarummi illoqarfiup nunaqarfiillu avataaniittut.

Imm. 4. Imartat, kangerluit, kuuttut tatsillu sikusarnerisa nalaani nunaannarmut ilaatinneqarput.

Imm. 5. Ileqqoreqqusaq Sermersuarmut iigartartunullu Sermersuar-meersunut atuutinngilaq.

§ 2. Motorinik ingerlatillit ileqqoreqqusami pineqartut tassaapput angallatit motorillit suulluunniit sikukkut, aputikkut, qaqqakkut nunaannakkullu ingerlasinnaasut, matumani ATV-t, illiniliuutit qamuteralaallu ilanngullugit.

§ 3. Atuisussaatitaanermik nalunaaruteqartariaqartumik aqqusinerni, unittarfinni narsaatinilu il. il. angallanneq, pilersaarusernermut inatsit naapertorlugu, ileqqoreqqusami matumani atuutinngillat.

Imm. 2. Nakkutilliinermut oqartussaasut avatangiisinik pinngortitamillu nakkutilliinerannut, annaassiniarnerannut, politiit misissuinerannut, illersornissaqarfiup suliaqarnerannut assigisaannullu tunngasut ileqqoreqqusami matumani atuutinngillat.

Imm. 3. Sumiiffinni, angallatit motorinik ingerlatillit atorlugit angallannermut inatsisit allat aqutugalugit maleruagassiuffiusuni, maleruagassiat sukkulluunniit killilersuiffiunerusut atuutissapput.

Kapitel 2

Nunaannarmi motorinik ingerlatilinnik atuineq

§ 4. Nunaannarmi angallatinik motorilinnik angalaneq taamaallaat kommunalbestyrelsip akuerisaatut ukiuunerani angallavissatut akuerisaani aamma ukiuunerani angallannermut aqutissiani akuerisaapput, takukkit ilanngussat 1-7.

Imm. 2. Angallannermut aqutissiani nalunaarsukkani aamma angallavissatigut angallatinik motorilinnik angalaneq taamaallaat ukiuunerani 1. oktobari-31. maajimi pisinnaavoq.

Imm. 3. Angallatit motorillit nunakkoortillutik ajutoorsimassappata, naggorissutsimut nunamullu uuliakooratarsinnaaneq imaluunniit orsussamik aniasooratarsinnaaneq pitinnagit peerneqassapput. Angallatit motorillit Kommunalbestyrelsimit peeqquneqareernerisa kingorna peerneqanngippata, piginnittup akiligaanik Kommunalbestyrelsimit peersinneqarsinnaapput.

Kapitali 3

Angallannermut ataatsimoortumik aalajangersakkat

§ 5. Ukiuunerani assartuinnermut aqutissatut ukiuuneranilu angallavissatut toqqarneqartuni nunap qerinerani, apummik qallerneqarnerani aammalu naasunut nunamullu ajoqusiiviusinaanngitsumik angallavissaalernerani angalanissaq inerteqqutaanngilaq.

Imm. 2. Angallatinik motorimik ingerlatilinnik imeqarfiup killeqarfiata iluani angallanneq inerteqqutaavoq.

Imm. 3. Imm. 1-imi aalajangersakkat imaani sikukkut, kangerlukkut, kuukkut tatsikkullu angallanneq atuutinngilaq.

§ 6. Nunaannarmi angalanermi naasunut aseruutaasinnaasumik sangupiloorfigineqasanngilaq, aallarsarfigineqassanngilaq unipiloorfigineqassananiluunniit.

Imm. 2. Kuuit sinaat uingarnillu kiisalu tatsit killingi, kuuit annerit kiisalu kangerluit ikaarneqartassapput, naasut nunallu ajoquserneqarfissarinngisaasigut.

Imm. 3. Angallanneq naasut uumasullu sianigalugit pissaaq. Nunami immamilu uumasut miluumasut illersornissaannut piniagarinissaannullu qaqugumulluunniit atuuttutut nalunaarutit malittarineqassapput.

Imm. 4. Qimussinut ungasissusissat sapinngisamik minnerpaamik 10 meterinik ungasissuseqassooq.

Imm. 5. Angallannermi aqutit nunap assingatigut sapinngisamillu aqutitigut nalunaaqutsersuinikkut kommunimit isumagineqassapput.

§ 7. Kangerluup aamma imartap sikuani angallannermi sikup sinna atuarlugu piniarneq aamma immami uumasut miluumasut akornusersornissaat pinngitsoorniarlugit sikup sinnaanum ammaan-nartumik imartaqarfilinnut sapinngisamik siamasissuutitatut meterinik 500-nik ungasissuseqartoqassaaq.

Imm. 2. Timitalittut pissutsit sikup sinnaanum meterinik 500-nik ungasissuseqartitsisinnaanngippata sikup sinnaanum sapinngisamik ungasinnerpaamik ungasissumiittoqassaaq.

Imm. 3. § 7, imm. 1-imi pinngitsuugassaaq tassaavoq sikup sinna atuarlugu angallannermut aqutissianik toqqaasoqarsimanera.

Imm. 4. Sikup sinna atuarlugu aalisartarfinnut taakkunaniillu angallannermut, kiisalu sikup sinnaanum piniarnermit angallannermut imm. 1 aamma imm. 2 malillugit sikup sinnaanum meterinut 500-nut naleqqiullugu qaninnerusumik angallannissamut inerteqqussutit atuutissanngillat.

Kapitali 4

Immikkut ittumik akuersissutit

§ 8. Pisuni immikkut ittuni ilanngussaaq 1-7-p avataani assartuutit motorinik ingerlatillit atorlugit aqutissatut akuerisani angalanissamut kommunalbestyrelse immikkut ittumik akuersissuteqarsinnaavoq.

Imm. 2. Immikkut ittumik akuersissuteqartoqarnissaanut qinnuteqaat tunngavilersugaq angalanissaaq pilersaarutaasoq kingusinnerpaamik sapaatit-akunnerinik sisamanik sioqqullugu kommunalbestyrelsimit tiguneqarsimassaaq aamma nunaminertanik imaluunniit aqutigisassanik takutitsiviussalluni.

Imm. 3. Kommunalbestyrelse immikkut ittumik akuersissuteqarnermut atatillugu naapertuuttutut isigineqarsinnaasunik piunasaqaateqarsinnaavoq.

Imm. 4. Immikkut ittumik akuersissutit Avatangiisinut Naalakkersuisumut ilisimatitsissutigineqassapput.

Imm. 5. Imm. 1 aamma imm. 2 naapertorlugit akuersissutit sukkulluunniit kommunalbestyrelsimit imaluunniit Naalakkersuisunit allanngortinneqarsinnaapput utertinneqarsinnaallutilluunniit, immikkut ittumik akuersissuteqarnissamut piunasaqaatit unioqqutinneqarpata, imaluunniit kommunalbestyrelsip Naalakkersuisulluunniit naliliinerat malillugu pissutsit pinngortitamut avatangiisinullu ajoqusiinnaasut pineqarpata.

Stk. 6. Immikkut ittumik akuersissutit ukioq ataaseq tikillugu tunniunneqartarsinnaapput.

Kapitali 5

Nakkutilliineq il.il.

§ 9. Kommunalborgestrelsip nalunaarummi uani malittarisassat malinneqarnermut nakkutigissavaat.

Imm. 2. § 5-imi, imm. 1 aamma 2 angalanermut maleruaqqusat piffissap ilaani naammassineqarsimangippata kommunalbestyrelse inerteqquteqarsinnaavoq peqqussuteqarsinnaallunilu.

Imm. 3. Peqqussutit tassaasinnaapput angallaviit aalajangersimasut atorneqarnissaannik piumasagaatit.

Imm. 4. Inerteqqutit tassaasinnaapput sumiiffinni aalajangersimasuni piffissami aalajangersimasumi angallannerup tamarmi unitsinneqarnissaanik piumasagaatit.

§ 10. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaat pillugu Inatsisartut peqqussutaanni nr. 9-mi, 22. november 2011-meersumi kapitali 14-imi malittarisassat naapertorlugit naammagittaalliutigineqarsinnaapput.

Kapitali 6

Pineqaatissiinermut aalajangersakkat

§ 11. § 4-mik, § 5-imi aamma § 6-imi unioqqutitsineq akiliisitsinermik aamma/imaluunniit arsaarinninnermik kinguneqarsinnaapput.

Imm. 2. Piumasagaatinik, § 7, imm. 3 naapertorlugu aalajangersarneqartunik unioqqutitsineq akiliisitsinermik kinguneqarsinnaavoq.

Imm. 3. § 8, imm. 2-4 naapertorlugit peqqusummik imaluunniit inerteqqummik unioqqutitsineq akiliisitsinermik kinguneqarsinnaavoq.

Imm. 4. Ileggoreqqusatigut akiliisitsinermik kinguneqartitsinermi, Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasumut akisussaatinneqarsinnaapput.

Imm. 5. Imm. 1-4 naapertorlugit akiliisitsissutit Nunatta Karsianut nakkartinneqartassapput.

Kapitali 7

Atuutilerfissaq

§ 12. Ileggoreqqusaq una atuutilissaaq ulloq 24.02.2021.

Avannaata Kommuniani Kommunalbestyrelsi, ulloq 19.02.2021



Palle Jerimiassen

Borgmesteri

Ilanngussaq 1 Imm. arfineq-marluk ilanngullugit Avannaata Kommunianut takussutissaq

Ilanngussaq 2 Ikerasaap eqqaani nunaannaq

Ilanngussaq 3 Uummannap eqqaani nunaannaq

Ilanngussaq 4 Saattut eqqaanni nunaannaq

Ilanngussaq 5 Ukkusissat eqqaanni nunaannaq

Ilanngussaq 6 Illorsuit eqqaanni nunaannaq

Ilanngussaq 7 Nuugaatsiap eqqaani nunaannaq